

Prof. Dr. Ryan Peterson cu preguntanan clave:

“Unda nos ta para cu educacion y unda nos ta bay sigui cu educacion”

ORANJESTAD – Kico ta educacion. Con nos ta wordo educa? Na cas of na scol? Preguntanan cu hopi di nos ta haci nos mes pa loka ta sigui instruccion di un docente. Profesor dr. Ryan Peterson a haci varios di e tipo di preguntanan aki durante su charla cu a tuma luga siman pasa diamars na Universidad di Aruba, cu tabata tin como tema “The Creative Destruction of Education”. E ta puntra su mes dos cos: unda nos ta para cu educacion y unda nos ta bay sigui cu educacion.

CON NOS KIER NOS STUDIENTENAN?

Nos ta bisa semper cu nos kier nos studiantenan ta critico. Kier pa nan ta innovativo, pero kico nos a siña nan, pa duna contestanan corecto na preguntanan riba examen. Nos no ta bisa pa bin cu preguntanan critico riba examen. Nos a bisa cu nos kier esey. Nos kier pa nan ta critico. Siña puntra. Owee si duna un contesta corecto of incorreto den klas, ta wordo marca como dom, literalmente, segun Peterson.

DESAROYO COGNITIVO

Demasiado biaha a enfoca riba e desarojo cognitivo di un estudiante, sea un mucha di 5 aña, sea un persona di 25 aña. Ta lubida cu educacion no ta duna les. Esey ta e modelo bieu. Esaki ta un proceso di siña. Siñamento ta un proceso social, emocional cognitivo. Ta enfoca solamente 30% di kico eigenlijk enseñansa ta. Unda e parti social/emocional a keda den un desarojo di un persona. Si wak actualmente kico nos medio ambiente, nos gobierno, nos sector priva nos companianan, ta puntrando pe, no ta e parti cognitivo. Nan ta buscando un persona balansa, un persona cu ta flexibel den pensamiento, un persona cu por traha den diferente medio ambiente. Un persona cu manera nan ta bisa, tin softskills. E softskills ta birando e hardskills. No internacionalmente so, pero local tambe.

INVESTIGACION

Aña pasa a haci un investigacion encu-

anto empresario. Kico ta e habilidad di un lider exitoso na Aruba. No ta conocimiento, ta habilidad, actitud y di kier puntra, di tripi di pensa otro manera, di tripi di ta pro activo di crea un producto nobo, of crea un compania nobo, of lansa un producto existente riba un mercado nobo. Ya esaki ta existi caba. El a wordo confirma den un otro investigacion cu a tuma luga aña pasa tambe.



E mesun contestanan cu a wordo ricibi. Ta cuestiona si esaki ta habilidad y competencianan cu ya kier awe, imagina aki 10 aña. Anto educacion ta un docente para dilanti di klas y tin buki den man. Basicamente ta bisa pa lesa e buki, haci huiswerk, etc. esey ta e cuestion. Sa di antemano cu tin hende ta pensa cu e manera cu nos ta haciendo ta bon. No por asumi cu tur hende den veld di educacion ta comparti e pensamiento ey.

HOPÍ MAS CU EDUCACION

Peterson a duna e contexto for di unda nos a bin y unda nos ta para y unda nos ta bay. A uza un modelo mas social ecológico, educacion no ta para riba su mes. No ta solamente di duna les of para dilanti di klas. E ta mas cu esey. Especialmente si tin cu tuma na cuenta cierto desarojo, tendencia, politico, etc. tur e tendencia nan ey ta introduci nan mes y ta drenta den e local di klas, ta drenta den e scol. Ta bay hasta asina leu cu scol ta relevante ainda? E scol fisico awendia? Esey ta e cuestion. Unda nos ta para awe, nos ta prepara pa 2020, nos ta prepara pa 2025? Esaki pa Peterson, si e compara con e tabata duna les 20 aña pasa, compara cu 10 aña pasa, compara

cu awe, por mira un desarojo den su pensamiento den e ultimo 20 añanan.

GENERACIONAN TA CAMBIA

E generacion cu ta duna les awor aki, no ta e generacion di 20 aña pasa. 20 aña pasa no tabata tin e tecnologia cu nos tin awendia. E generacion a cambia, tecnologia a cambia y ta tuma tur dos banda. Exigencianan tambe di e mercado laboral a cambia tambe. Nan tambe kier otro tipo. Si antes un diploma tabata suficiente, awe nan ta bisa cu tin diploma y e pregunta ta keda kico mas a wordo haci. E enfasis no ta solamente di hardskills pa softskills. Un otro desarojo ta wak di e banda ey cu no ta solamente local cu a haci den e curriculum, pero kico a haci den actividadnan extra curricular. Si tuma na cuenta cu solamente 1 den 10 estudiante na Aruba ta involucra indirectamente of directamente den actividadnan pafo di klas, e ora mester puntra nos mes si nos ta preparando e generacion aki pa e siguiente generacion? Nos ta educando, nos ta estructurando, planificando, organisando educacion pa desarojo di habilidad competencianan, pa e siguiente generacion, Peterson ta cuestiona.

NO TA SOLAMENTE UN CONTESTA

Sa con pa duna les pa e generacion aki, pero nos ta dunando les pa e siguiente generacion? Educacion no ta solamente pa duna un contesta na locual cu mester di dje awo. Cu otro palabra ta puntra y e otro ta duna. E idea di Peterson ta, den esey tambe e reto, ta con ta prepara studiantenan no solamente pa awe, no solamente pa 2013/2014, pero con ta prepara nos studiantenan pa 2020. Con ta prepara nos studiantenan pa 2030. Unda nos kier 80% di nos economia, e comunidad ta uzando energia sostenibel. Kico ta tuma pa crea e sociedad ey? No ta solamente parti cognitivo. E parti social/emocional, e parti con ta siña balor. Nos ta siña balor den introduccion? E pregunta ta sigui keda cu nos mester siña balornan den educacion? □